


Cheigi Wε

Se N Ta-n Ŋwe Taa Wuu



We nye de kwo wolo na
jege swono to mo.
1 Piita 5:6, 7

We mo ye debam mɔɔro,
O boje de bobonja. Nenɛɛne
kwo wolo na jege swono na
bere o bia tetei to, konto ɔɔ
mo We de bere ɔɔna jei
maama ba na wo taa nwe
tei se ko taa lana.

We veere chega kalo na jege
nwaane to mo o bere debam,
se ko pa de taa jege wopwolo
de teena.

Nmo na cheigi We, Ó taa
cho-m, O daare o wolim se
n zege daana yalo n na wó
jeeri to wone.

Ko dae konto yerane
—Nmo wo ta-n nwe taa wuu!

Tɔɔɔ konto ba jege ko yaga. Ko wora
se de taa maa toje logo banja maama
wuu Bible zamesem totorje dem mo.
Nɔɔna yeini ba nwonji ba wone mo ba
la leɔ ba maa wola.

N na lage se n woli totorje dento,
so-so vei donate.jw.org.

Bible taana yam maama nwonji Kasem
Bible kom ne mo, kolo kom Wycliffe
Cooperation na ke to.

Cheigi We Se N Ta-n Nwe Taa Wuu
Listen to God and Live Forever
Ba printi tɔɔɔ konto February 2024 mo
Kasem (II-KSM)

© 2024
WATCH TOWER BIBLE AND TRACT
SOCIETY OF PENNSYLVANIA

Ba bam na ke ko to
Watchtower Bible and Tract Society of
New York, Inc., Wallkill, New York, U.S.A.
Ba ke ko U.S.A. ne mo


De Wó Ke Tɛ Mo De Cheigi We? Tɔɔɔ-ZWE 4

Wó Mo Ye Chega We Dem? Tɔɔɔ-ZWE 6


Njwea Déem Nye Tete Mo Paradise Ne?
Tɔɔɔ-ZWE 8

Ba Na Cheigi Setaane To, Bɛ Mo Nwonji
Da Ko Ba? Tɔɔɔ-ZWE 10

Do-fara Kam, Wó Mo Cheigi We Ye Wó
Mo Wo Cheigi-O? Tɔɔɔ-ZWE 12



“Ba-na amo tei,” Wε tε o bere debam.
“Cheigi amo, á daare . . . á na ηwea chekke.”
Izaya 55:3



Do-fara Kam, Bε Mo De Zamese
De Nwonji Da? TON-ZWE 14

Wɔ Mo Ye Yezu? TON-ZWE 16

Yezu Toone Dem Jege Nyɔɔre Dɔ
Mo De Pa Nmo? TON-ZWE 18

Maɲa Kɔ Mo Paradise Kom Lage
Ko Ba? TON-ZWE 20

Swolim Dɔ Mo Wora De Pae Balo Bam Na
Cheigi Wε To? TON-ZWE 22


Jehova Cheigi Debam Na? TON-ZWE 24

Nmo De N Diga Tiina Wo Ke Tε Mo Á Taa
Jege Wopwolo? TON-ZWE 26

De Wó Ke Bε Mo Se Wε Wo Pwoli? TON-ZWE 28

Nmo Wó Ke Tε Mo N Bere We N Di Chega
N Pa Jehova? TON-ZWE 30


De Wó Ke Tε Mo De Cheigi Wε?



Chega wε dem pε se nɔɔna popone
O bobaɲa ba ke tɔn-lao kodwoɲi
wone. Tɔnɔ kom konto mo ye Bible.
Ko jege taana yalo na jege ɲwaane
Baɲa Wε na lage se n lore.

Baɲa Wε yei kolo na lana ko
pae debam. Wonto mo ye swa
maama wuu tu, ye nmo na
cheigi o, n ta-n tiini n jege swa.
—Memaja 1:5.


Baɲa Wε lage se nɔn-wolo
maama na wo tega kam
baɲa ne to, ga Bible kom
mo. Leile, n wane n na Bible
kom taana dwidwi wone.



N ná lage se n cheigi Wε,
ko mane se n ga Bible kom
mo n daare n ni kokuri.

Wε tɔge Bible kom baɲa ne mo, o ɲɔɔne dedaane debam.
2 Timoti 3:16

Jehova Sareya-tiina wó wane ba
wolim se n ni Bible kom kuri.



Logo baɗa maama, banto mo
bere ɲɔɲa We Chega kam.

Ba bera yam ye zɛɛra
mo, n ba lage n ɲwe
kolokolo. N nam ta
wó wane n vo Jehova
Sareya-tiina Kingdom
Hall kolo na twe-n to,
n zamese We taane da.



We taane dem ye chega mo.—Jon 17:17.
Berɲwaane mo de wó taa jege We chega?
—Jeelim 23:19


Jei maama wuu ɲɔɲa yeini ba cheigi mo.
Matiyu 28:19.

Wɔ Mo Ye Chega Wɛ Dem?

Chega Wɛ dem ye dedoa yerane mo, o yere nam mo ye Jehova. (Lei 83:18) O ye siu mo de nam ba na-o de yi. O swoi debam ye o lage se debam de taa swo-o. O maa ta lage se debam de taa swoi de dwonna. (Matiyu 22:35-40) Wonto mo ye Pan̄wa Tu, wonto nam ta mo mɔ̄ne wonnu maama.

Baŋa Wɛ na bobo se o mɔ̄ wonnu to, o de yiga o mɔ̄ siu wo mɔ̄no mo na dana. Wonto mo ba laam tu ba bwoi we Yezu Krista. Jehova da ta mɔ̄ne malese de o woli da.

Jehova daa ta mo mɔ̄ne wonnu telo maama
na wo weyuu ne to . . .



Jehova We mo mōone chalechwe sem,
de tega kam, de wonnu telo maama
na wo ka wone to.—Pulim 1:1.

O me teero mo o maa
mo Adam, baaro wolo
na de yiga to.—Pulim 2:7.

Benwaane mo ko marje se de zuli Jehova?
—Izaya 42:5.

We nyenyero tem tedwonna mo ye to?
—Nwonjim 34:6.

de tega bana.
Wonnu Gurim 4:11

Ŋwea Déem Nye Tete Mo Paradise Ne?

Awa mo ye kaane wolo
Jehova na de yiga o mo o pa
Adam se o taa ye o kaane.
—Pulim 2:21, 22.

Jehova déem moone ba pa
se ba bobonja yam dedaane
ba yedaa kam, ye mare mo
ye tusim tera.

Ba déem zoore Eden
gaare dem ne mo. Jeiga
kalo na tiini ka lana, ka
jege bu-tola, teeni bia,
de vara.



Jehova déem ŋoone dedaane ba,
o daare o bere ba. Ba ya na
cheig-o ba wo taa ŋwe taa wuu
Paradise teg-kam banja ne.

Jehova déem pe Adam de Awa wo-laaro dede.
Pulim 1:28

Malese sem
dedoa ve Wε ni.
Maleka balɔɔ
konto mo ye
Setaane vwa-nyena
pε wom.



Jehova déem bere
Adam de Awa tio
kodwoŋi mo gaare
kam ne. O we ba ye
di ko bu se ba na dia,
baa te mo.



Setaane déem ba lage se Adam
de Awa se Jehova ni. O maa da
basankwea baŋa ne o ta o bere
Awa we, o na di tio kom bu wom,
o ba lage o te amaa o taa nye
de Wε. Taane dento déem ye
vwa mo.—Pulim 3:1-5.

Wε déem we ba ye di teeni dem dedoa bia.
Pulim 2:16, 17

Ba Na Cheigi Setaane To, Bε Mo Nwonji Da Ko Ba?


Awa Cheigi basankwea
kam ni mo ye o daare o
di tio kom bu wom. Ko
kwaga yerane, o ma pa
Adam kodwonji pa-o di.



Kolo ba déem na ke to
balana, ko ye weleere mo.
Wε ma zeili ba pa ba nwonji
paradise kom ne.




Ŋwea laam ma chamma ko pa
de ba bia. Ba ma kwe ye ba te.
Ba wo vei churu, ba jwoori ba
ji teero mo.



Adam de Awa na ve Wε ni to, mo pε se ba te.


Pulim 3:6, 23



De na ye Adam de Awa dwi to ḡwaane ne
mo pae se de toa. Twa ba nae, ba ba ni, ba
nam ware kolokolo ba ke.—Kwor-tɛeno 9:5, 10.



Ko yaa dae Jehova bobonja
se nɔɔna taa toa. Ko ba
daane o jwoori o bi balo
maama na tege to. Ba na
cheigi-o ba ta ḡwe taa wuu.



Benwaane mo de toa?—Rom 5:12.

Toone daa ba taa wora.—1 Korinti 15:26.

Twa ba jege ḡwea, ba nye n ta wo teero mo.
Pulim 3:19

Do-fara Kam, Wɔ Mo Cheigi Wε Ye Wɔ Mo Wo Cheigi-O?



Adam de Awa dwi dem na tu
de puli tega baɲa ne to, malese
sedwonna maa ke zwabania se
tɔge Setaane kwaga.

Ba tu tega kanto baɲa, ba kwei
nabiina yedaa se ko pa ba wane
ba di kaana. Kaana bam maa lo
bakeiri na ye sawaaro, ba dana
ye ba jege yidεere.




Logo kom tu ko ba ko
su de nɔn-balwaaro.
Bible kom tage ko we,
“nabiina déem tiini ba
jege puseɲa, ye ba boboɲa
de ba pale-kea maama
tɔge lwarem yerane mo.”



Nɔn-kɔɔgɔ déem mo ke lwarem Noah maɲa kam ne.

Pulim 6:5




Noah déem ye nɔn-ɲom mo. Jehova déem ma ta de Noah o we, o lage o ma na-fɔɔ mo o ma o chɔge nɔn-balwaaro tem.

Wε ta ma ta de Noah se o ke nabworo kamunu, se o ja o diga tiina de vara dwi maama o ja zo ko wone.




Noah déem kaane nɔɔna bam we na-fɔɔ beena amaa ba wo cheigi-o. Badwonna déem mɔne-o ye ba daara de chuli-o.



Maɲ-kam Noah na ke nabworo kom o ti to, o ma ja vara bam o ja zo ko wone.


Noah cheigi Wε ye o ke nabworo kom.
Pulim 6:13, 14, 18, 19, 22

Do-fara Kam, Bε Mo De Zamese De Nwonji Da?



Do-kam nege da finna
mo, wea de tete. Na
bam pεele teg-kam
maama. Non-balwaaro
tem maama ma te.

Malese selo na ve Wε ni to, ma yage
ba nabiina yera yam, ba daare ba
jwoori ba ji chichiri lwanno.



Balo déem na wo nabworo kom ne to,
ne ηwea. Ko kwaga seeni, Noah de
o diga tiina bam tu ba te. Wε wo
jwoori o ba bi ba se ba laam ta
ηwe taa wuu.


Baηa Wε choge non-balwaaro tem ye o daare
o vere Noah de o diga tiina.

Pulim 7:11, 12, 23



Setaane de chichiri
lwanno tem ta wora
ba gane ƙƙƙa mo de
zem maama.

Nenɛɛne Noah maɗa
kam ne to, zem ƙƙƙa
dede ta mo ve Jehova
bera. Ko bá daane
Jehova wo chɔge
nɔn-balwaaro tem
maama.—2 Piita 2:5, 6



Zem, ƙƙƙa badwonna
nye n ta we Noah mo. Ba
cheigi We ye ba ke kolo
o na te to, banto mo ye
Jehova Sareya-tiina.

Kuri chwoɗa kalo na wó pa-m
ɗwea to.—Matiyu 7:13, 14.

Ó chɔge nɔn-balwaaro tem ye
balo na zoore ba tete to wo na
ɗwea.—Lei 37:10, 11.


We ta wo chɔge nɔn-balwaaro tem o daare
o vere nɔn-ɗona bam.

Matiyu 24:37-39

Wɔ Mo Ye Yezu?

N na lage se n ke n su Jehova yi,
ko maŋe se n cheigi nɔn-dedoa
de daa na jege nwaane. Se
Jehova laam mɔ Adam to,
O mɔkone siu wo nɔkno mo na
dana weyuu ne.

Konto kwaga ne, O pɛ
se busankana kadwoŋi
ta na yeiri baaro, o yere
na ye Mary to, lo-o
Betelehem ne. Ba déem
pɛ bu wom yere we,
Yezu.—Jɔn 6:38.




Maŋ-kam Yezu na wo tega baŋa to, o deem
le o kwo nyenyero tem mo o bere chekke.
O déem jege wo-laao, o swo nɔkna ye ba
wae ba twe-o. O mɛ baare mo o maa bere
nɔkna Jehova chega kam.

Jehova mo toŋe Yezu pa se o ba tega baŋa.


1 Jɔn 4:9




Yezu déem da ta yɔɔre jaweena
ye o daare o bi twa.



We chwoŋa yiga tiina
bam déem chuli Yezu
beŋwaane o pe se nɔɔna
lɔre ba vwa bera yam de
ba chwo-balwaaro tem.



We-chwoŋa yiga tiina bam déem
gane Rom tiina bam se ba mage
Yezu ba daare ba go-o.



Be mo pa se ko jege ŋwaane se de lɔre Yezu?
—Jɔn 17:3.

Be mo Yezu déem kea weyuu ne, ye o laam
daare o ba tega baŋa?—Kolosia 1:15-17.

Yezu déem ke kolo na lana to mo amaa
ba déem ta chulu mo.

1 Piita 2:21-24

Yezu Toone Dem Jege Nyɔɔre Dɔ Mo De Pa Nmo?



Yezu na tege to, ko da yatɔ dɛ ne mo,
Kaana badwonna vei o yibeeli dem
ne ye ba wo nɛ-o yera yam da. Jehova
bi Yezu o nwonji toone wone.



Ko kwaga yerane, Yezu veere o
tete o bere o kwaga tɔgena bam.

Weleere 'ɲweero' mo ye bɛ?
—Rom 6:23.


Yezu mo puri chwonja se nɔɔna
wane ba na ɲwea na ba ti.
—Rom 5:21.



Ko ye chega, Jehova bi Yezu O nwonji
toone wone pa o ye siu wo nɔɔno
wolo wom na dana ye o daa ba te.
Yezu kwaga tɔgena bam nɛ o na
maa diini weyuu to.

Yezu mo tega se ko pa de wane de na ɲwea.

Jon 3:16



Yezu tega se o kwei o ɲwea mo,
o ma leini nabiina dede ɲwea.
(Matiyu 20:28) Yezu na ɲwe
debam lwarem jem to ɲwaane
mo pe se We puri chwoɲa
se de na ɲwea na ba ti.

Jehova kuri Yezu mo se o ta ye pe o nii
teg-kanto baɲa. Nɔɔna 144,000 bam na di
chega to, wó bi ba di weyuu ba woli o wone.
Yezu de nɔɔna 144,000 bam wo woli daane
ba tiɲi weyuu paare delo na ye yom.
—Wonnu Gurim 14:1-3.

We paare dem wó pa
tega kanto je paradise.
Jara, keim balwaaro,
yiniga de kana daa ba
ta wora. Nabiina wó tiini
ba ta jege wopwolo.
—Lei 145:16.

Baɲa We paare dem lage de ja
be swolim mo de ba?—Lei 72.

Ko maɲe se de ware We se o
paare dem ba.—Matiyu 6:10.

We bi Yezu o pa o ji Pe o Paare dem ne.
Danyeli 7:13, 14

Maɲa Ko Mo Paradise Kom Lage Ko Ba?

Bible kom maɲe ko da yiga ko ta wonnu dede telo tem na jege te ke zem de ne to. Ko we nɔɔna wó taa swoi sabu, bia baa taa nege ba tiina, nɔɔna wó taa ye nankɔ-nyena, nɔɔna wó taa swoi ba tete ywooni.

Tega zizijim, jara, kana, de jaweero dede wó taa wora. Wonnu tento maama maɲe te wora te ke.

Yezu daa ta ma ta we, baa ɲɔɔne We-paarem kwor-ywɔɲa kam teg-kam baɲa maama ko daare se tiim dem laam ba.—Matiyu 24:14.

Daana yalo na su log-konto baɲa to bere we ko baa daane We Paare dem wo ba.


Luka 21:10, 11; 2 Timoti 3:1-5



Ko baa daane
Jehova wó chọ́ge
nɔn-balwaaro tem
maama.



Ó vane setaane
de chichiri lwanno
tem zwε.



Balo na cheigi Wε
to wo na ηwea ba zo
log-dongo kom wone.
Foone daa baa taa
wora, log-kolo kom
nɔɔna na wó taa jege
da chega ye ba swoi
daane.

Be mo Yezu tage we ko wó ke
debam maɲa kam ne?
—Matiyu 24:3-14.

Ó chọ́ge nɔn-balwaaro tem.
—2 Piita 3:7.


Wε Paare dem wó le wo-lwanno maama.
2 Piita 3:13

Swolim Dɔ Mo Wora De Pae Balo Bam Na Cheigi Wε To?

Jeeli n nii swolim delo
n na wó na jwa dε ne,
n na cheigi Jehova.
N ta-n jege yezura
lanyerane, nɔn-nɔnɔ
daa ba weele naa o taa
jege bwona. Nɔn-balwaaro
daa ba taa wora, nmo wo
ta jege nɔn-maama chega.

Wo-chechɔɔ, cham de
keira daa baa taa wora.
Nɔn-nɔnɔ daa ba kwe
naa o te.

Twa dede wó baa bi teg-kanto baɲa ne.
Kikia 24:15



Nta n wora de n badwonna de n diga tiina,
Paradiṣe ṅwea kam wó taa ywomma.

Foone daa baa taa
wora, ƙoon-maama
wó taa jege wopwolo.

We Paare dem wó le yaara maama.
Wonnu Gurim 21:3, 4

Jehova Cheigi Debam Na?

Jehova ye wolo na “cheigi debam” wε-wara to mo.
(Lei 65:2) Ó lage se de nwonji de bochoŋo ne mo de ŋoone de daane-o.




Yezu bere debam de na wo taa ke wε-lworo tei.—Matiyu 6:9-15.

Wɔ wε-wara mo Wε cheiga?
—Lei 145:18, 19.


Ke Jehova yerane wε-lworo.



Wε cheigi debam wara.
1 Piita 3:12



Ware Wε se o bobonja
yam ke wɛyuu dedaane
tega banja ne.



Lwoori Jehova se o
wolim se n wane n ke
kolo na lamma. N ta
wó wane n lwoori-o
se o pa-m n ni wodiu,
totoŋa, zola, peiga jei
dedaane yezura.

Ware Wε n tɔge Yezu
yere ŋwaane se ko
bere we n yi su kolo
o na ke o pa-m to.

Jehova cheigi nɔɔna balo na ke
wo-laaro to mo.—Memana 15:29.
Ye zaŋe n ta-n lwia.—Filipi 4:6, 7.

De na wora de lwoori Wε, de wó wane
de ta wonnu dede de bere-o.

1 Jɔn 5:14

Nmo De N Diga Tiina Wo Ke Tε Mo Á Taa Jege Wopwolo?

Baŋa Wε na bere kadiri tetei to mo
ye se baaro di kaane dedoa naa se
kaane zo baaro dedoa.



Baaro wolo na swoi o kaane to,
yeini o zuri o yera mo o pa-o,
o daare o ni o taane kuri.



Kaane de o baro maŋe se
ba taa jege ni dedwe mo.



Bia maŋe se ba taa
cheigi ba tiina ni mo.


Swono mo pae se nɔɔno de o diga tiina jege wopwolo.

Efesias 5:33

Baŋa Wε taane dem tε de we,
baaro maŋe se o taa swoi o
kaane ne o tetere yedaa mo,
ye kaane de maŋe se, o taa
jege negero telo na duna mo
o pae o baro.



Ko ye lwarem mo se nɔnɔ vo o
peini de wolo na dage o baro naa
o kaane. N na di kaane n dwoni
dedoa, ko de ta ye lwarem mo.



Jehova taane dem bere
diga tiina ba na wó ke
tei ba taa jege wopwolo.




Pa n ŋwea taa ye wose.
—1 Korinti 6:18.

Ta-n swoi n bia, ta-n bere ba,
n daare n ta-n cho ba.
—Nia Gulim 6:4-9.


Ta-n ke wo-laaro n daare n ta-n di chega ye zanje
n ta-n beese n diga tiina.

Kolosia 3:5, 8-10


De Wó Ke Bε Mo Se Wε Wo Pwoli?




De na swoi Jehova,
de baa ke wonnu
telo o na chuli to.



Jehova ba lage se de taa ηona,
de taa nyc sana de buga naa
de taa kwei liri-ηowo.




Wε chuli nɔn-gora,
ka le puga ka yage
dedaane kaane de
kaane naa baaro de
baaro sare-peiga.
Wε ba lage se de taa
ye nɔn-kwollu naa
de taa ke jara.



Ó ba lage se de taa
kaane jwona naa de taa ke
liri-mwanno totona.

Baηa Wε nae liri-nwanno kikia
tete mo?—Nia Gulim 18:10-12.

Beηwaane mo ko wo marje se de
taa kaane jwona?—Izaya 44:15-20.



Paradise kolo
na lage ko ba
teg-kanto baηa ne
to, nɔn-balwaaro
daa ba taa wora.


Ta-n chuli lwarem.
1 Korinti 6:9, 10



Nwɔŋi n wonɛ n kɛ n
bɛrɛ wɛ, n swoi ɲɔɲa.



Se de wane de ke de
su baŋa wɛ yi, ko maŋe
se de lwoni-o mo.



Ta Jehova taane n bɛrɛ
badwonna n daare n bɛrɛ
ba o chwei sem.—Izaya 43:10.



Ta-n di chega.



Ta-n duri n dwonna ŋwana se
n daare n ta-n kwei n chɛ-a.

Lwoni Jehova.—1 Piita 1:14-16.
Ta-n bɛrɛ swono.—1 Jɔn 4:7, 8, 11.

Ta-n ke wo-laaro.
Matiyu 7:12

Nmo Wó Ke Tε Mo N Bere We N Di Chega N Pa Jehova?

Yage dwi me-o kikia yalo
yam na ba tóge de Bible
kom bera yam to. N jege
se n na baare mo se n
wane konto n ke.

Ye kwei n tetere n
ke log-kom baɲa
pa-charena totona
yam wone. Kolo
ɲwaane ba ba tóge
ba woli Jehova
Paare dem.

Jehova cho balo na di chega ba
pa-o to.—Lei 97:10.


Zege baɲa Wε saɲa ne.
1 Piita 5:6-9

Kwei n tete n gwaare de Jehova
Sareya-tiina se ba woli-m se n
fɔɔre n twɛ Wɛ.



N boŋe-m dem na
baa ke dam, kwei n
tete n pa Jehova n
daare n jwonji sɛɛm.
—Matiyu 28:19.

Vei yiga n ta-n zamese
Baŋa Wɛ taane n daare
n ta-n tɔge o wadɛ sem.



Cheigi Baŋa Wɛ.
Ga Bible kom, n
daare n bwei Jehova
Sareya-tiina bam se ba
woli-m se n ni kokuri.
Se-n daare n ma kolo
n na zamese to n ma
n tɔŋe, n na ke konto,
n ta-n ŋwe taa wuu.
—Lei 37:29.



Leiri n wo se n na n weleera
saarem.—Kikia 3:19.

Tɔge ŋwea chwonja kam.
—Matiyu 7:13, 14.

Kuri zega kalo na lana to, cheigi Wɛ.
Matiyu 7:24, 25

